

# QVÆSTIO MEDICA.

QVODLIBETARIIS DISPUTATIONIBVS

MANE DISCVTIENDA IN SCHOLIS MEDICORVM.

Die Iovis, IX. Februarij,

M. IOANNE RIOLANO.

DOCTORE MEDICO, MODERATORE,

PROFESSORE REGIO, DECANO, REGINÆ

Matris, Regis LVDOVICI XIII. Primario

Medico & postremo.

*An propter motum sanguinis in Corde circulatorium,  
mutanda Galeni Methodus medendi?*



ANTA est majoris Mundi & minoris, scilicet Hominis, inter se similitudo, vt quidquid in maiore Mundo reperitur, id omne in minore deprehendatur. Sed præ cæteris admirabilis occurrit Cordis ad Solem analogia, mutatis ac invicem mutuatis nominibus, dum Sol Cor Mundi dicitur, & vicissim Cor Sol hominis; etenim Cor æthereo calore, situ medio, motu perpetuo, Sanguinis & Spirituum generatione, eorundem fluxu & irradiatione, exquisitè Solis naturam æmulatur, imò superat; adeoque inter partes corporis nulla observatur tanto artificio, tantoque apparatu exornata, vt principium, ac domilium vitæ in se contineret tanquam primum vivens & vltimum moriens, atque fundamentum existeret omnium corporis partium, siquidem in conformatione & corporatura Cordis, omnes corporis partes iimilares ipsique muscoli reperiuntur, acsi deberent ei suum ortum & hy parxim, reliquæ organicæ vitam, agendi vim, & motum inde repetunt.

13. Editio secunda

Anno 1648.

A.

**V**T autem Cor suo fungatur officio, motricem facultatem sive pulsficam obtinuit, harmonicè musicali modulo salientem, sibi congenitam, arteriis adscititiam, ab ipso Corde inspiratam & emanantem, quæ ipsum dilatat in Diastole, constringit in Systole, quiescere facit in Perisystole. Cum sit excavatum, ad excipiendum & emittendum, mouetur: Istius motionis continuitas non potest esse absque materia, vt in pneumaticis & hydraulicis organis, nec alia est, quàm aër & sanguis per Cordis cauitates reuolutus, ad motus perennitatem, caloris natui conservationem, & corporis nutritionem. Desertur autem per venam cavam, in dextrum Cordis sinum, ibi per medium eius septum immobile ac pervium, pars crassior secundum venam arteriosam in pulmones ablegatur ad nutritionem, habetque reversionem in cavam dum regurgitat, pars tenuior in sinistram sinum illiquitur, vertenda in sanguinem arteriosum purissimum, inde secundum aortam deductus in artus, per mutuas anastomoses vasorum ab arterijs in venas, ex se sanguisorbis transvasatur, vt iterum recurat ad Cor tanquam ad fontem, & principium suum, more aquarum, quæ ascendunt vsquequò principium sui ortus æquaverint, modò marginibus contineantur.

**V**ERVM, nequaquam vniuersi corporis sanguis circumfluus, quotidie bis terve, ad Cor remeat circulandus, vel semel intra horæ spatium, vt nonnulli audaciores asseverant, cum vtrumque sit absurdum & impossibile, quandiu sanum est corpus & alitur. Sed in magnis inedijs, si corpus iam extenuatum, per duos tresve dies alimento defraudetur, vel in largo sanguinis dispendio, sponte vel arte facto ad decem, vel duodecim libras, intra duodecim horas absque vlla reparatione: Tunc totus ferme sanguis ter, vel pluries ad conservationem caloris nativi, motus Cordis continuationem, atque spirituum restorationem potest circulari. At in sanis corporibus intra diem semel aut bis pro quantitate alimenti assumpti, & vacationis excrementorum, sanguinis illius redit labor actus in orbem, qui in canalibus venæ cavæ, & aortæ, à iugulo vsque ad artus directè porrectis concluditur, qui verò tubulis venæ portæ coercetur, qui in vasa minora tam cavæ, quàm aortæ diffusus est, qui ad cerebrum pervenit, non recurrit ad Cor nisi violenter raptus, in summa inopia sanguinis canalium maiorum aortæ & cavæ, vel œstro quodam percitus, profluat extra sua conceptacula, ruatque in cavam, attat-

men dum exuberat, depletur per loca convenientia. In muliere gravida, sanguis foetus fermè totus remigrat versus Cor matris, donec Cor perfectè fabricatum fuerit, tuncque placenta carneâ exceptus, & separatus à sanguine materno, quamvis ab utero haustus, per canales maiores cauae & aortae propriam habet circulationem, cuius ope aliquandiu vivit, extincta matre, tumque celeriter extrahendus caeso matris utero, ut eius vita conservetur, quam interdum cogitur rependere pro matris incolumitate, alioquin matricida ni moriturus.

**P**ER istam circulationem sanguinis sic explicatam, Medicina Galeni facta testata & inviolata conservatur, tam in procreatione sanguinis, quam in productione morborum, ratione causarum, & locorum: Etenim sanguinis alimentarij elaborati, etiam spiritu naturali imprægnati primum instrumentum Hepar constituitur, secundarium Cor, præsertim sanguinis directè ad ipsum, ab hepate, vel ex trunco cauae assidue perlagentis, quem arteriosum & viuisum reddit, sigillum vitalitatis impertiendo, per caloris & spiritus perfectionem. Inde duplex sanguis, venosus & arteriosus, ratione loci, substantiae, & contrarij motus speciei discretus. Uterque alimentarius, sed venosus absque arterioso, perfectè non potest nutrire; quod præstat solus arteriosus. Excrementa sanguinis in hepate fecernuntur, & ad sua quæque loca demandantur, ubi morbos excitare solent: Ac proinde febrium intermittentium materia, & sedes, non interpolantur, neque continuæ. Medendi ratio hæcenus instituta retinetur, servatis tamen quibusdam diorismis, ad bene medendum necessarijs, ob continuum sanguinis venosi canalium maiorum recursum ad Cor, & venae portae, sæpe vitiosum sanguinem continentis, discrimen à caua. Quod prisca Medici non ignorantes, inchoantibus morbis liberaliter sanguinem detrahebant, rarò ter vel quater toto morbi decursu. Sed varijs artificijs nunc exoletis, tentabant in habitum corporis vitium massæ sanguineae euocare, temperare, & expurgare, per frictiones, ligaturas, dropaces, phoenigmos, sinapismos, percussiones, sudationes, balnea, cornicula, aplicationem ad Solem, pernoctationem sub dio, gymnasticam, quorum magnam partem olim administrabat Iatroleptice, Medicis subdita & vestigialis.

**N**VNC autem cum tota Medicorum industria versetur potissimum in sanguinis educatione, purgatione, & diata, mi-

nistris Medicinæ, relictis Chirurgiæ & Pharmaciæ operationibus; quarum tamen directio ad peritos Medicos spectat, ob sanguinis recursum ad Cor, in usu istorum remediorum, cautiones quasdam adhibere convenit. Imprimis venæ sectio in febribus ardentibus, ab initio debet esse larga, & liberalis, tam è supernis, quàm infernis partibus, si plethoricum & robustum fuerit corpus, nec inutilis erit venarum manus apertio, si venæ pedis tundantur vtiliter, neque reiicienda sunt malleolorum scarificatio, venarum nasi resectio, cucurbitularum etiam cruentarum per totum caput admotio, nec non hæmorrhoidum apertio. Purgatio post varias & multiplices venæ sectiones, exacto septimo die morbi, febre utcumque mitigatâ, si nulla suspicio inflammati visceris etiam in zymosi interponetur, eaque blanda, sæpius repetita, non intermissa venæ sectione, si morbus expostulet. Purgatio præcipitata & violenta per metallica, siue per os, siue per aluum tentetur, plus damni quàm emolumenti semper attulit. Purgatio per externa medicamenta, extremis artubus apposita, nequaquã repudianda, neque alteratio sanguinis, quæ in iisdem locis, per alexipyreta procuratur, negligenda, neque cardiaca manifestis qualitatibus agentia, sunt omittenda, tam sumpta, quàm admotâ, iatralapice ægris & sanis necessaria, ad usum Medicum reuocanda. Diæta tenuis & exquisita, abstinendo ab omni cibo per duos tresve dies vel alternis diebus parçè nutriendo more veterum Medicorum, sanguinem minuit, vitiosos humores exsiccat, interdum etiam modicè sanguinem detrahendo & purgando. Quod medendi genus periculosa plenum alexæ, requirit Hippocraticum sedulò observatorem, qui non multum ab agro recedat, vires cum morbo assiduè comparando ut labantibus cibo conuenienti opportunè subueniat.

*Ergo propter motum sanguinis in Corde circulatorium, non est mutanda Galeni Methodus medendi.*

Proponcbat Luteriæ IOANNES MAVRIN, Annotensis.  
A. R. S. H. M. DC. XLV.

### DOMINI DOCTORES DISPUTAVRI.

M. Ioannes Garbet.  
M. Paulus Courtois.  
M. Petrus Moriau.

M. Simon le Lettier.  
M. Sebastianus Roussant St. Pr.  
M. Petrus Guenault.

M. Dionysius Allain.  
M. Lazarus Pena.  
M. Iacobus Coussinot, Primarius Regi  
Christianissimi Medicus.

*cette thèse est la 939<sup>e</sup>. de Louis VI  
du recueil in folio.*